

Na osnovu člana 70. stav 1. tačka 2. Statuta Općine Vogošća („Službene novine Kantona Sarajevo“, broj: 27/14 – Prečišćeni tekst, 14/15 i 9/20) i člana 112. Poslovnika Općinskog vijeća Vogošća („Službene novine Kantona Sarajevo“, broj: 27/14 - Prečišćeni tekst, 18/15, 45/15, 10/16, 51/18 i 28/20), Općinsko vijeće Vogošća na sjednici održanoj dana 31.03.2022. godine, donijelo je sljedeći

ZAKLJUČAK

1. Nacrt Odluke o uređenju gradskog građevinskog zemljišta prema Programu uređenja gradskog građevinskog zemljišta za područje Regulacionog plana Rosulje upućuje se na javnu raspravu.
2. Javna rasprava će trajati do 15.04.2022.godine.
3. Učesnici u javnoj raspravi su Vlada Kantona Sarajevo, Mjesne zajednice na području općine Vogošća, političke partije i klubovi vijećnika.
4. Prijedlozi, primjedbe, mišljenja i sugestije dostavljaju se u pismenoj formi Službi za urbanizam i prostorno planiranje koja organizuje i provodi javnu raspravu.
5. Općinski načelnik će nakon provedene javne rasprave podnijeti Općinskom vijeću Vogošća izvještaj o provedenoj javnoj raspravi i dostaviti prijedlog Odluke Općinskom vijeću na donošenje.

Broj: 01-04-496/22

Vogošća, 31.03.2022. godine



Na osnovu člana 42. stav 2. i 5. Zakona o prostornom uređenju Kantona Sarajevo ("Službene novine Kantona Sarajevo", broj: 24/17 i 1/18) i člana 70. stav 1. tačka 2. Statuta Općine Vogošća („Službene novine Kantona Sarajevo“, broj 27/14 - Prečišćen tekst, 14/15 i 9/20) Općinsko vijeće na sjednici održanoj dana 31.03.2022.godine, utvrdilo je

Nacrt

O D L U K E
O UREĐENJU GRADSKOG GRAĐEVINSKOG ZEMLJIŠTA
PREMA PROGRAMU UREĐENJA GRADSKOG GRAĐEVINSKOG ZEMLJIŠTA
ZA PODRUČJE REGULACIONOG PLANA ROSULJE

Član 1.

Uređenje gradskog građevinskog zemljišta prema Programu uređenja gradskog građevinskog zemljišta za područje Regulacionog plana Rosulje će uraditi Općina Vogošća.

Član 2.

Sredstva za uređenje gradskog građevinskog zemljišta osigurat će se iz naknade za uređenje gradskog građevinskog zemljišta i naknade za dodijeljeno gradsko građevinsko zemljište, koje će Općina Vogošća naplatiti od investitora do izdavanja građevinskih dozvola.

Član 3.

Uređenje gradskog građevinskog zemljišta na lokalitetu Rosulje izvršit će se u dvije faze.

Član 4.

Do naplate sredstava od investitora uređenje gradskog građevinskog zemljišta u II fazi Regulacionog plana Rosulje Općina Vogošća će se finansirati od sredstava koja će biti naplaćena od investitora iz faze I Regulacionog plana Rosulje.

Član 5.

Sredstva od investitora za uređenje gradskog građevinskog zemljišta na lokalitetu RP Rosulje Općina Vogošća može uložiti u uređenje gradskog građevinskog zemljišta na lokalitetu RP Rosulje, UP "Solaris" i ostalo građevinsko zemljište na području Općine Vogošća.

Član 6.

Sredstva koja se od investitora naplate za dodijeljeno gradsko građevinsko zemljište mogu se uložiti u nabavku građevinskog zemljišta na drugim područjima Općine Vogošća.

Član 7.

Danom stupanja na snagu ove Odluke prestaje da važi Odluka o povjeravanju uređenja gradskog građevinskog zemljišta prema Programu uređenja gradskog građevinskog zemljišta za područje Regulacionog plana Rosulje ("Službene novine Kantona Sarajevo", broj: 4/06).

Član 8.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj: 01-02-496/22
Vogošća, 31.03.2022. godine

